



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

§. 2. Ostenditur Electionem ad gloriam factam fuisse post prævisa
Electorum merita.

urn:nbn:de:hbz:466:1-40853

modi auxilia ex se prædeterminantia voluntatem humanam ad actus meritorios , visa sunt aliis minimè cum libertato consistere, cæperunt Auctores Societatis efficaciam gratiæ cum libertate humana aliâ viâ conciliare , auxilio scientiæ mediæ. Et hinc originem sumpit gravissima illa controversio inter Thomistas & auctores societatis de efficacia gratiæ, quam diximus Romæ coram summis Pontificibus saepius ventilatam.

§. 2.

Ostenditur Electionem ad gloriam factam siue post prævisa Electorum merita.

Probatur primò ex Scripturis Matth. 25. *Venite benedicti possidere preparatum vobis regnum à constitutione mundi; Esurivi enim & dedistis mihi manducare &c*: Ubi assignatur causa electionis ad gloriam , quod ab æterno prævisa sunt opera bona in temporis actu præstanta.

Respondent alij , assignari hic in extremo iudicio causam actualis possessionis regni cælestis, non verò præparationis sive prædestinationis quâ illa possessio ab æterno decernitur , de qua aiunt ex mente Christi nullum in loco citato mentionem fieri.

Contra primò , Patres sententiam Christi de ipsa Præparatione intelligunt. Chrysostomus Hom. 80. eam sic explicat : Nam antequam, inquit, nati essetis, quia sciebam hujusmodi vos futuros , hæc à me fuere præparata. Ubi non possessionem tantum , sed ipsam præparatiōnem regni dicit decretam ob prævisa merita ,

Q. 2

per

364 Pars 2. Cont. 3. De Prædestinatione
per quæ sciebat dignos fore regno cælesti.

Secundò, Ipse textus hoc suadet, quia addit;
Ite maledicti in ignem eternum, qui præparatus es
Diabolo, Certum est autem præparationem ex-
terni ignis non solum ordine executionis, sed
etiam intentionis decretam propter prævisa de-
merita; deberet autem esse ratio urgentissima
quæ cogat nos asserere in eodem loco Scripturæ
Verbum illud *Præparatum* diversimodè accipi;
nec posse utrobique in eodem sensu intelligi.

Secundus locus est ad Rom. 8. *Quos præscivit,*
& prædestinavit conformes fieri imagini filij sui, quos
autem prædestinavit hos & vocavit. Ubi Apostolus
videtur asserere præscientiam meritorum esse
suo modo causam electionis, & electionem ex-
ternam causam vocationis, & donationis gratiæ
in tempore. Quia sensus est ex mente D. Am-
brosij P. 5. de fide. cap. 3. Apostolus, ait, quos
præscivit & prædestinavit; non enim ante præ-
destinavit quam præscivit, sed quorum merita
præscivit, eorum præmia prædestinavit.

Obiiciunt primò adversarij: Scriptura è con-
tra supponit institui electionem ante merita,
quia ipsa merita vult proficisci ex illa gratuita
voluntate dandi gloriam. Probant id primò, Ex
verbis Christi Lucæ 12. *Nolite timere pusillus greci,*
quia complauit Patri vestro dare vobis regnum. Ubi
decretum dandi regnum assignat ut causam an-
tecedentem cur debeant esse securi de meritis,
& gloria secutura.

Respondeo, cum Christus ibi sit locutus ad
omnes discipulos, imo ad alios omnes qui credi-
turi erant, ut patet ex sequentibus, verosimile
non est voluisse revelare omnibus electionem
absolutam ad gloriam, cum ibi fuerit etiam Ju-
das, & alij fortè plures reprobi. Indicat ergo
non

366 *Pars 2. Cont. 3. De Prædestinatione*
esse volentis , aut currentis , sed miserentis Dei ,
& quidem sine respectu ad merita , aut quæ-
cunque opera quoad intentionem conferendi
gloriam.

Respondeo , negando illam esse mentem A-
postoli . Et sanè non pauci sic explicant illum
locum ut non velit Paulus agere de electione
sive ad gratiam , sive ad gloriam , sed tantum ad
bona quædam temporalia , ut ad opes , splen-
dorem , & regnum obuentur familiæ Iacobi
præ posteris Esau sive Idumæis . Vel certè de
electione ad peculiares favores genti Judæorum
præ aliis Gentibus à Deo destinatos .

Attamen , cum Patres , & maximè S. Augusti-
nus sæpius explicit illum locum de Spirituali
dilectione gratiæ , dico etiam Apostolum hic a-
gere de speciali electione , non immediatè ad
gloriam , sed tantum de electione & vocatione
ad fidem , & gratiam Christi sine respectu ad
ulla merita præcedentia , aut etiam in futurum
prævisa , & multò minus ad opera legis absque
gratia Christi , de quibus tamen Judæi sibi præ
Gentilibus gloriabantur . Hic enim erat scopus
Apostoli . Non posse Judæos jure conqueri quod
præ illis Gentiles eligerentur ad fidem , & gra-
tiam Christi , etsi Judæi non verò Gentiles ope-
ra legis & cæreronias haberent ; quia nempe
hujusmodi electio ad fidem & gratiam Christi
non procedit ex operibus , sed ex vocatione ,
proposito , & prædestinatione divina , quâ unum
præ alio , ex gratuita tantum voluntate , ad fidem
adducit . Ac demum concludit hanc vocatio-
nem & electionem ad Primam fidei gratiam ,
non esse volentis neque currentis , sed miseren-
tis Dei . De electione verò immediata & abso-
luta ad gloriam hic non agit Apostolus . Quini-
mo

non decretum absolutum, sed voluntatem antecedentem & inefficacem quantum est ex parte sua conferendi regnum cæleste, si illud meriti fuerint: ac si diceret: Nolite esse solicii de rebus temporalibus etiam si omnia vendatis; quia si Pater Cælestis fuerit tam liberalis, ut voluerit omnibus & præcipue fidelibus donare regnum Cælorum quantum est ex parte sua, & media supernatura; multò magis subministrabit hæc temporalia, & habebit curam ut qui relinquunt omnia propter regnum Cælorum non destituantur rebus ad vitam necessariis.

Obiiciunt secundò pro sua sententia illud Christi Ioan. 15. *Non vos me elegistis, sed ego elegi vos* &c: quod videtur sonare electionem sine prævisione meritorum.

Respondeo, ibi non agi de electione ad gloriam, sed ad Apostolatum prædicationis Evangelij, ut exponunt Patres apud Maldonatum. Vel secundum Augustinum, agitur de electione ad gratiam, & fidem, quæ sine electorum méritis facta est. Frustrà autem conantur Adversarij loca multa ex Evangelio congerere; quia non agunt illa de absoluta electione ad gloriam, sed de conditionata, si nempe perseverent in bonis operibus; quia Christus noluit Apostolis absolutam electionem revelare, quos jubet timere ne tanquam fur in nocte judicium adveniat.

Obiiciunt tertio, tanquam præcipuum suæ sententiae fulcimentum, locum Apostol. ad Romanos 9. *Cum nondum natifuisserint, aut aliquid boni egissent aut mali (ut secundum electionem propositum Dei maneret) non ex operibus, sed ex vocante dictum est, quia major serviet minori, sicut scriptum est, Jacob dilexi, Esau autem odio habui.* Ubi Apostolus, sicut & in toto capite, ostendit negotium salutis non esse

Q. 3

esse

mo probabile plures æstiment, Esau, qui dicitur hic odio haberet, aliosque plures ex semine Esau oriundos, ad salutem & gloriam pervenisse. Et hanc expositionem hujus loci amplectitur S. Augustinus quæst. 2. ad Simplicianum.

Denique adverte, plura Scripturæ, & Patrum loca, quæ adferuntur pro electione ad gloriam independenter à prævisis electorum meritis, aliud plerumque non probare, quām prædestinationem omnino completere sumptam non esse ex meritis, cum illa sic accepta involuat etiam electionem ad primam gratiam; ante hanc autem gratiam certum est nulla merita posse præcedere, cum omne meritum gratiam aliquam supponat, & sic procederetur in infinitum, vel principium meriti caderet sub idem meritum, quod omnino repugnat: his ita resolutis.

Probatur secundò nostra assertio, Ratione validissima; pro qua assumo Fundamentum ex diametro contrarium illi quo nititur sententia opposita. Qui ordinatè procedit non prius intendit absolute finem quam media, quando recta ratio finem proponit per modum præmij & mercedis ab alio obtinendæ: atqui Deus proposuit gloriam per modum mercedis; ergo non prius absolute eam intendit quam alterius merita prævideat, sine quibus gloria non obtinetur. Prob. major: Quia qui proponit finem per modum mercedis, debet moveri ab ipso merito tantum medio ad dandum finem, cum meritum sit causa motalis dantem movens, ad inferendum finem, sive gloriam, quæ per modum mercedis operi meritorio respondet. Ergo non potest ante prævisionem meriti absolute intendere ut alter habeat finem sive gloriam, quia tunc non moveretur à merito, sed omnino gra-

Q. 4

tis

368 *Pars 2. Contr. 3. De Prædestinatione*
tis conferret. Unde hæc duæ voluntates viden-
tur pugnare : Volo antequam prævideam me-
rita ut ille habeat gloriam , & , volo ut habeat
gloriam propter merita. Quia voluntas dandi ei
justitia sive ob merita, destruit voluntatem elar-
giendi gratis, sive ex liberalitate.

Responder Suarez l. . de auxiliis c. 9. an. 21.
æquivocationem involui in voce *Gratis* , sive
gratuitâ voluntate. Quia aliud est Deum elige-
re gratis aliquos ad gloriam , aliud eligere ad
gloriam, gratis conferendam, dicit autem Deum
habere in eligendo priorem , non posteriorem
voluntatem : cum igitur docet, Deum habuisse
aliquam voluntatem gratis circa electorum
gloriam, illud *Gratis* , vult se tenere ex parte
actus Dei, non ex parte objecti sive gloriae gra-
tis conferendæ. Ut quando quis vult vende-
re equum amico , illa voluntas non est dandi
equum gratis , sed tamen est gratis concepta ,
quia amicitia censerit potest quod equum velit
vendere.

At contra ; Nos etiam concedimus in Deo
esse gratuitam voluntatem proponendi gloriam
per modum præmij obtainendam. Sed hæc est
generalis, reprobis, electisque communis , nec
tali voluntati ad prædestinationem electorum
Suarez esset contentus , cum ex illa Deus nec
numerum , nec gradus electorum scire possit.
Vult ergo Deum absolutè decretisse ut Petrus
& Paulus consequerentur gloriam propter me-
rita : at tale decretum, si sit absolutum, non est
immediata & absoluta intentio finis , nisi in or-
dine ad illud decretum prævideantur ipsa merita
liberè futura. Sicut insistendo exemplo contra
nos allato , nulla potest esse absoluta voluntas
vendendi equum ante prævisionem pretij , sed
tantum

tantum conditionata, volo quantum est ex parte mea equum pretio conferre : quod si is qui emit sit pauper, & non possit soluere nisi pecunia sibi liberaliter datâ à venditore, & sciat venditor acceptâ pecunia illum empturum , adhuc manet , non posse absolutè intendere venditionem equi, quæ pendet ab eimenti libera voluntate , nisi per hoc quod prius videat alterius voluntatem equum sibi pretio comparandi.

Obiiciunt non pauci, contrariam nobis esse S. Augustini autoritatem. Sed de ipsius mente in hac quæstione anceps est utrumque dimicatio , nec decretoria sententia, ut eruditè ostendit Bruno Neuffer in Prodromo Veltari part. i. Certè electioni post prævisa merita videtur non obscurè favere lib. i. ad Simplicianum quæst. 2. Nemo eligitur , inquit , nisi jam distans ab illo qui rejicitur, unde quod dictum est , quia elegit nos Deus ante mundi constitutionem , non video quo modo sit dictum, nisi præscientiâ.

Porrò si quis opponat hanc doctrinam , de prædestinatione post prævisa merita, aliquando in Academia Lovaniensi inter alios articulos censuratum fuisse : Respondetur, Censuram illam pridem castam & irritam à Sixto V. declaratam esse in mandato illius jussu edito per Octavium Episcopum Calatinum Nuntium Apostolicum , & Lovanij promulgato, anno 1588. Cujus sincerum tenorem, ut gratiam præstem, hic ex parte subiicio.

Statuimus, & ordinamus , ac per Apostolica scripta mandamus , ut nemo, cuiuscumque ordinis , gradus , conditionis , vel dignitatis existat... de his Assertiōnibus controversis in alterutram partem , ita disputare , vel Doctorum authoritate unius partis assertiones confirmare, alteriusue refellere, aut impugnare , vel cuiuscumque vis

Q 5

vis

370 Pars 2. Cont. 3. De Prædestinatione
vis pietatis, aut necessitatis prætextu de his loqui, scri-
bere, vel dictare in posterum attentet, ut ausu temera-
rio eas hereticas, suspectas, & periculosas esse... domi
authoritate Apostolicā mature definita fuerint, affirma-
re præsumat. Quod si quis contra fecerit sciat se ex-
communicationis lata sententia penam (à qua nisi in
mortis articulo constitutus à nullo præterquam à Roma-
no Pontifice valeat absoluī) incurrisse.

Quinimo admittunt plurimi hoc tempore vi-
ri doctrinā ac pietate illustres, hunc electionis
modum magis esse consentaneum suavitati gu-
bernationis divinæ, quam & ipsæ Scripturæ se-
pius explicant ad modum Principis omnes ad
cursum invitantis, & victoribus præmia propo-
nentis, quem sanè magis decet ante cursum
certos victores non definire, sed expectare vic-
toriam antequam designet victores, etiamsi for-
te pro summa sua potestate possit ille Princeps
aliter procedere. Ac præ cæteris huic doctrinæ
pondus adiicit non leve suffragium illustre viri
sanctitate & doctrinā illustrissimi S. Francisci
Salesij, qui in Epistola ad P. Lessium, cuius au-
thographum servamus, hanc sententiam vocat
antiquitatem, suavitatem, & Scripturarum authori-
tatem nobilissimam, quam, inquit, semper ut Dei
misericordiæ, ac gratiæ magis consentaneam,
veriorem, & amabiliorem existimavi.

s. 3.

*Reiicitur eadem Electio ut est conjuncta cum
Reprobatione non electorum.*

DUplex statuitur, ut diximus, reprobatio;
una negativa, sive non prædestinatio, altera